

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第七十六輯
沈雲龍主編

廣西善後芻議

蕭鳳韶著

文藻出版社

有限公司

印行

廣西善後芻議

廣西書院叢刊

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



廣西善後芻議述意

廣西古稱藩服今類中州先正張栻呂祖
謙范祖禹鄒浩柳宗元馮京黃庭堅諸賢
道化正氣文聲德譽沐浴一時（粵西叢載）
民到於今稱之不敏於去年今月之四日
以揀選知縣奉

旨著發往廣西欽此本年夏秋之交到省沿途
以來攷咎民間情勢愴懷兵燹土曠人稀
滿目瘡痍天陰鬼哭知治者日從事於捕
除盜賊席不暇煥然而盜賊不止用是慙
慙而莫能自制謹條儻十則痛陳於
巡撫都御史張公鳴岐之前猥荷極譽尚

不以風狂見斥議者常魑魅之自知書生
之見人地非宜

皇恩憲恩必致兩負蹊去來兮何以誌念爰理
副本贅以罪言數事付諸手民梓既竟僭
之曰廣西善後芻議為生靈乞命書也竊
願愛

國君子幸垂採焉昔光緒三十有三年歲在
丁未嘉平既望南昌蕭鳳韶瘦稜甫自述

上粵西巡撫張堅帥書

丁未九月初九日

爲粵西元氣凋敝謹按現在情形條陳善後十則蘇民困以清盜源開民智以裕財用繕冊具呈敬備採擇事竊聞今之談時務者曰中國四萬萬百姓大概男女各居其半除老幼廢疾而外其稱丁壯足以謀生計者又祇得其各半之半是以分利之人多生利之人少此中國所以窮也於是有天足會之說焉爲其可與男子同力合作均勞共苦也比由粵東以抵粵西攷管地方情形自梧州沂流而上一切肩摩轂擊之役大率婦女拉雜赤足歐欵則知其纏足之惡

習久已剷除而所謂天足之會且能得風氣之先宜
乎其富矣迺不惟不富抑貧之已極則曷以故推原
厥蔽良由於連年兵革犇命已疲游手之徒不事生
業如骰攤紅寶山票牙牌天九麻將之種種賭博五
花八門莫此爲甚地方之捐款以此爲大宗不惟不
禁又從而保護之其次則明禁而暗弛之其甚則在
官人役得規而包蔽之積重難返由來者漸是以他
省之賭局破屋數間穢腥腥不可近稍知自愛者莫
不以此爲羞而兩粵之賭局精潔可觀形式裝璜牟
於官廨游俠少年坐擁贏餘且轉以是爲揮霍銀錢

之豪舉卽官紳子弟偶一爲之亦坦不爲怪坐是游
惰成慣嗜博成風一場之開足以破平民數戶之產
一局之敗足以傾中人八口之家迨至產破家傾飢
寒交迫亡命相聚謀劫分財又苦於居者重門擊柝
行者劍佩戒途不能不用軍械以爲自衛自脫之計
此兩粵搶劫之大概情形也故在他省謂之盜此省
謂之匪盜則例分首從匪則首從駢誅法網森嚴往
往挺而走險其幸則狡者逸而笨者擒矣及其被擒
地方官又以搶劫問題關於處分不惜嚴刑酷械以
拷之於是輸供固死不輸供亦死等死也遲不如其

速遂不得不慷慨而輸供焉而議者謂係此間百姓
有樂死特性竊以爲非樂死也好生者人物之同情
惟其求生之必不可望且不堪其苦聞此間鞠犯往
往有用五塊磚天碎架快活凳之類非刑毒拷慘不
可言計不如死之之爲樂此又兩粵鞠訊盜犯之大
概情形也然粵東繁富甲於天下彼爲盜爲劫者一
舉可以美宮室擁妻妾不爲盜爲劫亦未始不可以
謀生活數其罪而誅之猶足以服斷頭之魄粵西地
瘠民窮除一二富民遷居都會外大抵在樂歲終身
苦凶年不免於死亡之數充其洵偷鼠竊之所獲不

過口滿用手滿錢從而貸之尙覺其可憫况所擒者
不必盡狡者大半皆笨者也雖治亂國用重典容亦
有勢之必不獲已然毒刑之下必有寃民漢書路長
君有云捶楚之下何求而不得宋史歐陽文忠公曰
求其生而不得則死之非自我說文告誼取象牛口
憫其不能言也方今

朝廷祥刑恤罰參用東西國制於凌遲梟示斬決連坐
諸大辟及刳耳劓鼻刖足黥面一切殘廢肢體之雜
刑悉予

恩免且有不用刑詵改爲罰鍰之偉議此等善政行之今

日之粵東殊爲平允行之今日之粵西固多窒礙乃
一意誅戮不分首從揆諸煌煌

諭旨安乎否乎法儒斯恭達營理有曰民之所以無良而
走險者彼非以其典輕也實以犯者之有刑在或然
或不然之數也又曰明刑之意非以罰已然也所以
禁未然將以弼教也非以行誅蓋以刑法之大旨無
古無今無中無外不外癉惡禁未格非三端今廣西
盜賊充斥日日誅戮日日搶劫似於禁未格非二者
豈有成效則將比今之廣西百姓而盡誅之乎此必
不然之勢也然自軍興以來按所聞於各廳州縣懲

辦之匪平均計算其爲廣西百姓亦僅僅矣父母之
謂何豈真如俗所云除却官便是盜耶鳳韶沐荷
天恩以一介書生揀發廣西知縣原 奏聲明職當研究
法政法卽刑法政之所包者廣凡民間一切生計利
弊之關係均宜悉心攷警藉資補救沿途以來竊見
市影荒涼丁男罕覩村聲闕索兒童不嬉所有芻蕘
之愚謹繕冊具呈用脩採擇是否有當伏乞

憲鑒鈞示

計開

宗旨

第一則辦匪須分首從

法無倖逃民無枉死



芻議之餘摘罪言四則

宗旨

勻實缺之肥瘠

屬員無遷調之希望

汰虛文之繇縶

留婚一分周旋於百姓

知府之關係

國家設官非所以便官

不用刑訊之窒礙

無法之治未可以治不法之民

--	--	--	--

第一則辦匪須分首從

水恠民玩火烈民畏古人已慨乎言之今廣西大股魁匪雖云救平各處伏莽時虞蠢動姑息之則貽養癰之患草菅之亦傷造物之仁擬請 通飭各府州縣讞官嗣後訊犯不准擅用五碗磚天砵架及一切不經見之酷刑祇准用各省常用刑具詳細磋磨以求水落石出迨訊有確切供據略分三等辦法其一爲著名巨匪仍照從前舊例錄供電稟聽候核示就地正法其次爲初犯爲從犯未經傷斃事主者則於定讞後拍取該犯相片黥其兩耳分別案之輕重其

情節較重者永遠監禁輕則酌定監禁年限一俟期滿准予連環的保當堂答責然後交保開釋此次答責不妨從嚴一則俾爲旁人觀念一則免其善忘又其次爲引誘爲脅從亦於定讞後拍取該犯相片免黥耳法分別案之輕重其情節較輕者准即取具連環的保當堂答責照前說從嚴立予開釋重則酌定監禁年限期滿照前法責釋如此則法無倖逃亦民無枉死兩得之道也不惟行之粵西可以無弊即行之粵東亦未始不可但粵東風氣往往有家可小康迄爲劫盜者又當分別被誘脅從兩等參用罰鍰之

法斟酌妥善始爲無弊

刑法摘證

孟德斯鳩法意有云(卽西國獨一無二
斯恭達督理所著刑辟之重有由來矣
賭其民作奸無已時則求必勝之術
意以爲輕不足以止奸也則制爲新典
方其始行奸固以止以爲武健怡快矣
如檠弓然一張而不可復弛數行之後
其重者猶前之狃於其輕也則犯者如
國以國門多盜而莫能禁也則作爲車

始作也民相顧聘貽奸以大止顧不朞月而殺越人於貨者又見告矣至是而求勝又必制其重者有窮期乎此專殺非以弭盜之一證也

又云嚴厲慘酷非治人之術也使立法管於天理人情之間則知所以待犯科之民不至自窮於術矣夫人之所惡有甚於死者其惟恥辱乎故雖得生而毅然自殺者有之矣然則國家至重之刑辟必使與恥辱偕行而後有以畏民志輓近逃軍日眾政府以其害之大也則定以死刑然逃者不止此其故易言也蓋民既爲兵其習於冒險久矣故

僥倖之情勝雖威以死刑非所懼也然彼之視恥辱重於死誠欲止之莫若貸其生而被以不可洒之恥辱彼定以死刑者名爲重之實輕之耳此黥法足以弭盜之又一證也故摘錄之於此

按中國宋時逃軍皆有黥法卽書所謂墨刑是也再犯三犯乃始處死粵西盜賊公行聞供是游勇者十之八九今誠參用宋時黥法略分首從於耳廓上刺一犯賊記號在議者或以爲輕然按之刑部新律不准用刑刑黥刑之條反覺爲重故又參用拍照片擇其情節較輕者免予黥法且昔爲

黥面今乃黥耳耳在面旁黥之較面爲輕捕之較面爲易再犯三犯獲而殺之亦必不至漏網法之便未有甚於此者好在刑部改用新法原奏奉

旨本有酌各將軍督撫各就地方實在情刑核議覆奏一條今廣西辦盜參用黥法正所以仰體

朝廷祥刑止殺之意或者其可行乎夫人在縲絏之中絲毫之惠不敢或忘可宥宥之未必絕無自新之一念否則無首無從一鞠而誅甚且無供無據不鞠而誅匹夫結憤六月飛霜張說獄箴竊恐大兵之後有大疫也可不惡歟

雖然右之所云在廣西老於名法者必曰此間盜
犯往往斃傷事主倘辦法得分首從則所被獲者
莫不各供爲從而於所未被獲者僉供爲首爲首
不獲爲從不誅是使事主財命兩喪之寃九原不
白奈何而不知盜犯之斃傷事主蓋卽辦盜不分
首從之過也殺人償命婦孺皆知盜之所耽耽於
事主者爲利也非爲仇也何必斃事主而甘心焉
惟在上者嫌於處分急於破案嬾於鞫訊狂於好
殺辦盜不分首從以致殺事主不過於死不殺事
主亦不免於死執鼠之尾猶反噬人是以挺而走

險也倘辦法略分首從而於未傷事主之案又能照以上所云變通辦理人雖無良孰不好生彼爲盜者入事主之室苟不致爲事主所斃則雖兩相格鬥但求可脫脫之如不可脫亦明知罪不至於死惟恐稍傷事主以爲將來定讞得邀生還地步盜亦有道此言雖小可以喻大然則辦盜必分首從微特開莠民一綫之自新抑且釀良民無窮之幸福執法者何憚而不爲雖然執法而求百姓之畏法必自百姓之信己始此其中有設施焉未可以求旦夕之效也讀孟子盡心一篇其知治矣

伏查粵西有種惡習亡命之徒相聚謀劫往往有
小康之家爲所迫脅焚香立誓謂之拜台偶或拒
之卽罹首害迨經事發或被控送彼亡命者颺之
已遠而惟此稍有身家之顧慮者逃無可逃地方
官縛而得之不問其起意誰屬爲之推原苦隱殺
無赦嗚呼冤哉爲民上者平日政教所施不能保
富安貧俾此良懦之民不足以自衛罪固在我而
又不分首從按而殺之彼執法者無非按舊律載
盜上若干人不分首從無赦一條臆誤矣律意所
云不過作如是擬設有盜上此數無論爲首爲從

應斬應絞應軍應流應徒五案俱辦均不得議赦
律文本甚明曉非謂不分首從皆可殺也况明明
有盜重起意之條所云起意者盜之首也又何不
分首從之有夫律者率也大率如此是也例者類
也觸類而旁通之是也請試證一二吏部則例載
父母年逾六十者准以親老乞近則設有父母在
五十九者可勿奉養乎禮部載婦人苦節在三十
以內者准以請

旌則設有年屆三十一者其苦節可湮沒乎就如刑
部姦律載女子在十三以內者以強姦幼女論則

設有女子年已十四謂非幼女可強姦乎又殺人
條內載男子年十四者以未成童論則設有童子
年僅十三豢以爲無識可殺人乎諸如此類知者
見之謂之知仁者見之謂之仁昔

先聖人省刑定罰之意至深遠矣今使以辭害意設當日
條載太寬如云盜上二十人不分首從無赦乃盜
止十九人辦乎不辦乎設寬之又寬如云盜上百
人不分首從無赦乃盜止五十人辦乎不辦乎攷
會典載乾隆年間刑部會擬一案其父嗜博夜盜子財
其子以錢具誤擲死隣族僉以其子克家上請部

臣咸束手於例無可援不敢定擬入 奏奉

旨以孝子不有私財論殺然則例卽理也酌之以理則禮
可通例禮者體也體之以情則民無冤天理

國法人情其一貫之道歟今不佞請略分首從參用
黥法按之新律容有未允但較諸不分首從概而
殺之彼善於此

第二則嚴禁賭博

盜賊之淵禍亂之藪賭博之患甚哉而莫患於官衙之有規費痞棍之爲窩藏查廣西賭博自經各大憲出示嚴禁後除梧州仍舊認有捐費外其明目張膽公行無忌者業已無之惟吏胥爲奸莠愚嗜利或在深居僻巷或在公所地方私行開設者在所不免礙請通飭各府州縣一面嚴密約束各衙門書役人等不得私收規費違則從重斥革決不可稍事姑息一面剴切曉諭各該地方居民店戶不准窩藏賭博倘經警覺或被告發除將到場賭博人等盡法懲治

外立即將該窩賭房屋封禁沒官酌價拍賣以八成歸地方辦理新政支用一成予首者一成予緝捕丁役以示懲勸惟該丁役有查察之責無擅拿之權遇有賭博地方牆查得實應先期密稟各該管主率同前往捕拿方爲正當辦法否則以挾嫌誣陷論此治已經禁止賭博之一法也至若梧州府屬各項捐款既以賭費爲大宗一時礙難禁止請飭梧州府轉飭所屬各縣詳查各該地方每年共收賭費若干各市鎮地面共有賭局若干編立門牌仿照往年煙館例查係何人爲首取具本人及地保保甘二結給領門